

# PULEGA O UAFU MA TAULAGA

FAAMATALAGA O SINI AUTU  
2025-2027





## **Faasino Tusi**

- 03 Faamatalaga mo le Palemene
- 04 Tulafono
- 04 Tala'aga
- 04 Tofa mamao ma Manulauti
- 05 Sini Autu
- 06 Faailoilo mo le mataituina o le Faatinoga o Galuega
- 06 Poloketi Autu
- 07 Lagolagoina o Faiga Faavae a le Malo
- 07 Tulaga Taumateina ma Lamatiaga
- 07 Tupe Totogi i le Malo mai Tupe Faasili

# FAAMATALAGA MO LE PALEMENE

Afioga i le Fofoga Fetalai  
Fono Aoao Faitulafono a Samoa  
MULINUU



Afioga e,

Ou te tuuina atu le Faamatalaga o Sini Autu a le Pulega o Uafu ma Taulaga mo le piriota o Iulai 2024 - Iuni 2027, mo le talanoaina e le Fono Aoao Faitulafono a Samoa, i lana tauaofiaga o sosoo ai.

Ma le fa'aaloalo tele.

A handwritten signature in black ink, appearing to be 'Olo Fiti Afoa Vaai', written over a horizontal line.

Hon. Olo Fiti Afoa Vaai  
MINISITA O GALUEGA, FELA'UA'IGA MA ATINAE TETELE

## 1. TULAFONO

O galuega autu a le Pulega o Uafu ma Taulaga o loo limata'ita'iina e tulafono autu ma tulafono faatonutonu:

1. Tulafono a le Pulega o Uafu ma Taulaga 1998, ma Teuteuga o Tulafono 2002, 2014 and 2022
2. Tulafono o Faalapotopotoga a le Malo (Faatinoga & Tali atu) 2001
3. Tulafono o le Pulega o Tupe a le Malo 2001
4. Tulafono o Va'a 1998
5. Tulafono Faatonutonu o Va'a Laiti 1998
6. Tulafono o Sootaga Va Lelei o Leipa ma Galuega 2013
7. Tulafono o Kamupani 2001
8. Faai'uga a le Kapeneta
9. Taiala mo le Lumanai Manuia o Samoa 2022-2026:
  - o Taiala Autu 2 "Faalauteleina o le Tamaoaiga ma Gafataulimaina"
  - o Taiala Autu 3 "Saogalemu ma le Faatuatuaaina o Pulega Lelei"
  - o Taiala Autu 4 "Siosiomaga Malupuipua ma Suiga o le Tau"
  - o Taiala Autu 5 "Tulaga i Galuega a le Malo ma Atinae Tetele"
10. Fuafuaga a le Vaega Maoti o Fela'ua'iga ma Atinae Tetele 2023-2028:
  - o Sini Autu 4 "Unaia pisinisi ma fefaatauaiga i totonu o Samoa ma atunuu i fafo e tualala atu i auaunaga tau gataifale faatuatuaaina"

## 2. TALA'AGA

Sa faavaeina le Pulega o Uafu ma Taulaga i le 1999 i lalo o le Tulafono o Pulega o Uafu ma Taulaga 1998. O teuteuga o le Tulafono e pei ona iai le Faaiuga a le Kapeneta FK (14) 21 i le 2014, sa tuuina atu ai le pulega o uafu faalotoifale i le Faalapotopotoga o Va'a o Samoa. Sa toe faafoi mai uafu faalotoifale i Mulifanua ma Salelologa, mai le pulega a le Faalapotopotoga o Va'a a Samoa, i lalo o le Pulega o Uafu ma Taulaga i le aso 1 Oketopa 2022, ina ua pasia le teuteuga o le Tulafono e le Palemene.

O loo faafaigaluegaina e le Pulega le afaigaluega e toa 146, sa faamauina i le faaiuga o Fepuari 2024, i lalo o Vaega e fitu (7) o le Gataifale, Faatinoga o auaunaga ma le puipugamalu o le Uafu, Uafu Faalotoifale, Galuega tau tupe, Auaunaga lautele, Suetusi faalotoifale ma le auaunaga mo le Komiti Faatonu ma le Pule Sili a le Pulega o Uafu ma Taulaga.

O le Pulega o Uafu ma Taulaga, o loo feagai foi ma le pulea o uafu uma i Samoa, e aofia ai;

1. Uafu Faavaomalo i Apia,
2. Uafu i le Falei'a i Apia,
3. Uafu i Satitua Aleipata,
4. Uafu i Mulifanua,
5. Uafu i Salelologa,
6. Uafu i Asau.

## TOFA MAMAO

---

**"Ia avefa ma uafu ta'imua e tuuina atu auaunaga e puipuaia ai le siosiomaga, saogalemu ma lelei atoatoa lona faatinoga"**

## MANULAUTI

---

**"Ia galulue faatasi ma ana paaga, e atina'e ma faamautu atina'e tetele ma auaunaga tau uafu e saogalemu ma gafataulimaina aafiaga o le tau, e talafeuga ma taiala faale-atunuu ma faavaomalo, ina ia mautinoa le lelei atoatoa o lana auaunaga ma le tulaga tau tupe"**


### 3. SINI AUTU

**TAIALA MO LE LUMANAI MANUIA O SAMOA 2022 - 2026**  
“Tausia le nofo fealofani, le saogalemu ma le saolotoga mo tagata uma”



**FUAFUAGA A LE VAEGA MAOTI O FELA'UA'IGA MA ATINAE TETELE 2023 - 2028**

“Faamalosia tulaga o fela'ua'iga ma auaunaga mo le saogalemu ma le gafataulimaina o atina'e tetele aua le soifua manuia o tagata lautele”



**FUAFUAGA AUTASI A LE PULEGA O UAFU MA TAULAGA 2025 - 2027**

“Ia avea ma uafu ta'imua e tuuina atu auaunaga e puipuia ai le siosiomaga, saogalemu ma lelei atoatoa lona faatinoga”



**Sini Autu 1:**  
Ia mausali atinae tetele tau uafu, e gafataulimaina aafiaga o le tau

**Sini Autu 2:**  
Faaleleia le Malupuipuia ma le Saogalemu o le Uafu

**Sini Autu 3:**  
Naunautaiga i tulaga lelei o Auaunaga ma le faamalieina o ana paaga

**Sini Autu 4:**  
Ia faamausali le lelei o tulaga tau tupe

**Sini Autu 5:**  
Aufaigaluega o iai le tomai ma agavaa

#### 4. FAAILOILO MO LE MATAITUINA O LE FAATINOGA O GALUEGA

	Aofaiga Maua 30 Iuni 2023	Aofaiga Faataauina 30 Iuni 2024	Aofaiga Faataauina 30 Iuni 2025	Aofaiga Faataauina 30 Iuni 2026	Aofaiga Faataauina 30 Iuni 2027
<b>Faailoilo Tau Tupe</b>					
Tupe Maua	25,259,851	26,379,578	27,772,300	29,270,000	30,275,000
Tupe Faaalu	13,855,713	19,174,456	18,406,670	19,603,500	20,103,500
Tupe Faasili	11,404,138	7,205,122	9,365,630	9,666,500	10,171,500
Tupe totoi atu i le Malo mai Tupe Faasili	3,991,448	2,521,793	3,277,971	3,383,275	3,560,025
Tupe toe maua mai Tupe Faavae	30%	19%	25%	27%	27%
<b>Faailoilo Tau Galuega a le Uafu</b>					
Aofaiga o Pusa Oloa	44,676	46,016	47,396	48,818	50,282
Mamafa o Va'a	3,600,204	3,708,210	3,819,456	3,934,040	4,052,061

#### 5. POLOKETI AUTU

O nisi ia o atina'e ua filifilia i totonu o le Fuafuaga mo le toe faafaigaluegaina o tupe, ma o loo fuafua e faamaea le faatinoga i totonu o le piriota o Ienei Fuafuaga Autasi.

Atina'e	Taimi Faatulagaina	SAT\$	Ituaiga Faatupega
1 Toe fausiaina o ma'a tetele o loo tali ai galu (breakwater) & galuega o auala i luga o le Uafu	2024 - 2026	177 miliona	Fesoasoani Tau Tupe
2 Toe faaleleia o le Uafu i Satitua (Suesuega amata)	2025 - 2027	1 miliona	Tupe Faavae/Nonogatupe
3 Va'a mo Pailate	2024 - 2025	4.5 miliona	Tupe Faavae/Nonogatupe
4 Va'a Toso Va'a	2024 - 2025	13 miliona	Fesoasoani Tau Tupe
5 Potu faapitoa mo le mataituina o va'a (marine tower) ma masini manaomia	2024 - 2026	1 miliona	Fesoasoani Tau Tupe
6 Toe faaleleia o le Pa Autu / Meapu'eata	2025- 2027	1 miliona	Tupe Faavae/Nonogatupe
7 Ofisa fou	2025 - 2027	5 miliona	Tupe Faavae/Nonogatupe
8 Poloketi o le va'a la'upasese saosaoa	2025 - 2027	25 miliona	Tupe Faavae/Nonogatupe
9 Uafu fou i Asau ma le toe faaleleia o le alava'a	2025 - 2027	250 miliona	Fesoasoani Tau Tupe
10 Auaunaga mo le faamamaina o pusaoloa	2026 - 2027	2 miliona	Tupe Faavae/Nonogatupe
11 Nofoaga mo le toe faaleleia o va'a	2025 - 2026	5 miliona	Tupe Faavae/Nonogatupe
12 Fale e teu ai oloa (warehouse)	2025 - 2027	3 miliona	Tupe Faavae/Nonogatupe
13 Fanua mo auaunaga fou	2027 - 2027	5 miliona	Tupe Faavae/Nonogatupe

## 6. LAGOLAGOINA O FAIGA FAAVAE A LE MALO

E faaauauina pea le mulimulita'i ma faatino faiga faavae a le Malo ma Faaiuga a le Kapeneta, e patino i ana galuega faatino i lenei vaitau o le Fuafuaga, faatasi ai ma le faamalieina o lana matafaioi i lalo o le Fuafuaga a le Vaega Maoti o Fela'ua'iga ma Atinae Tetele, aemaise i lalo o lana Sini Autu 4 - "Unaia ma faamalosa pisinisi ma fefaatauaiga faalotoifale ma atunuu mamao, e ala i auaunaga tau gataifale faatuatuaina".

Sa faaauauina lava le totogiina atu i le Malo o tupe mai tupe faasili a le Pulega talu mai le 2016, ma talu ona faavae mai, sa faamauina se tupe faasili mao'a'e e \$11 miliona tala, mo le tausaga faaletupe faaiuina i le aso 30 Iuni 2023. Mai lenei tupe faasili, ua mae'a ona totogiina atu i le Malo o Samoa e ala i le Matagaluega mo Faalapotopotoga a le Malo, le 35% o tupe totogi; o se aofaiga atoa e \$23,611,352 miliona tala.

O le lagolagosua faifaiepa a le Pulega, ina ia mautinoa lona sao i le ausiaina o le vaaiga taula'i a le Malo i lana Taiala mo le Lumanai Manuia o Samoa 2022-2026 - "*Tausia le nofo fealofani, le saogalemu ma le saolotoga mo tagata uma*"

## 7. TULAGA TAUMATEINA MA LAMATIAGA

I le faagasologa o ana auaunaga masani, o loo mataitu pea e le Pulega manatunatuga ma lamatiaga, e ono aafia ai le auaunaga ma galuega faatino, aemaise aafiaga o le suiga o le tau ma solitulafono faavaomalo, e pei o faiga faatupufaalavelave, aumaia faanana o fualaau faasaina ma tagata. I le ave ai ma uafu faavaomalo autu, e talitonu le Pulega ua iai i se tulaga lamatia le auaunaga, pe a faatusa atu i le siitia pea o mataupu tau tagofia faasolitulafonoina o fualaau faasaina i totonu o le atunuu, ma e tatau ona mataala e pulea ia faatinoga, pe a tutupu mai.

E ui i le tulaga lelei o ana faatinoga tau tupe i tausaga ua tuanai, ae e faigofie lava ona aafia pe a tulai mai se faafitauli e faaletonu ai vaega tau tupe i le lalolagi, poo se isi itu e ono aafia ai le fegasoloaiga o va'a i le tatou uafu faavaomalo.

I totonu o le piriota o lenei fuafuaga, o loo ave le faamuamua i le toe atina'eina ma le toe faaleleia o uafu, ma le siitiaina o le malupuipua ma le saogalemu o le uafu faavaomalo. Ina ia ausia lea tulaga, o loo ua iai le Fuafuaga mo le tapenaga a le Pulega i taimi o faalavelave faafuasei (Multi Hazard Disaster Preparedness Plan).

O lenei faiga ina ia mausali ai lana mau, o le ave ma uafu ta'imua e ofoina atu auaunaga saogalemu ma lelei le faatinoga i le lumanai.

## 8. TUPE TOTOGI I LE MALO MAI TUPE FAASILI

O le a faaauauina pea ona mulimulita'i e le Pulega le totogiina o le 35% o lana tupe faasili i le Malo o Samoa, e taula atu i le Matagaluega mo Faalapotopotoga a le Malo.

O Faamatalaga o Tupe Maua ma Tupe Faaalu o faatatauina i le piriota o lenei fuafuaga, o loo atagia ai le matafaioi a le Pulega o le totogiina o le 35% o Tupe Faasili i le Malo. O le fesuisuiaiga i totonu o lenei piriota e faalagolago i Tupe Maua ma Tupe Faaalu i tausaga taitasi.

	Aofaiga Maua 30 Iuni 2023	Aofaiga Faatatauina 30 Iuni 2024	Aofaiga Faatatauina 30 Iuni 2025	Aofaiga Faatatauina 30 Iuni 2026	Aofaiga Faatatauina 30 Iuni 2027
Tupe Totogi i le Malo mai Tupe Faasili	3,991,448	2,521,793	3,277,971	3,383,275	3,560,025